

CONVENIO DE COLABORACIÓN ENTRE O SERVIZO GALEGO DE SAÚDE E A ASOCIACIÓN DOA SAÚDE MENTAL PARA O DESENVOLVEMENTO DUN PROGRAMA DE INTERVENCIÓN PRECOZ EN PSICOSE

Santiago de Compostela, 12 de abril de 2019

REUNIDOS:

DUNHA PARTE: Don Jesús Vázquez Almuiña, conselleiro de Sanidade e presidente do Servizo Galego de Saúde, de acordo co establecido no artigo 34 da Lei 1/1983, do 22 de febreiro, de normas reguladoras da Xunta e da súa Presidencia, de conformidade cos Decretos 41/2013 e 43/2013, do 21 de febreiro, polos que se establecen as estruturas orgánicas da Consellería de Sanidade e do Servizo Galego de Saúde, respectivamente; así como co establecido na Lei 1/2016, do 18 de xaneiro, de transparencia e bo goberno; na Lei 9/2007, do 13 de xuño, de subvencións de Galicia e no Decreto 11/2009, do 8 de xaneiro, polo que se aproba o seu Regulamento; así como na Lei 40/2015, de 1 de outubro, de réxime xurídico do sector público.

E DOUTRA: Don Leopoldo Robla Álvarez, presidente da asociación DOA Saúde Mental con NIF núm. G-36044295 que actúa en nome e representación desta, segundo o recollido no artigo 24 dos estatutos da asociación.

MANIFESTAN:

PRIMEIRO.- Que o Servizo Galego de Saúde, organismo autónomo creado pola Lei 1/1989, do 2 de xaneiro, e adscrito á Consellería de Sanidade, ten atribuídas as competencias precisas para o desenvolvemento de todas as áreas que configuran o concepto integral de saúde, xestionando a sanidade en todas as súas facetas, de conformidade co previsto no Título VI da Lei 8/2008, do 10 de xullo, de saúde de Galicia.

SEGUNDO.- Dentro do Servizo Galego de Saúde, a Subdirección Xeral de Planificación e Programación Asistencial é a unidade administrativa á que se refire o artigo 3 do Decreto 389/1994, do 15 de decembro, polo que se regula a saúde mental en Galicia, encargada de xestionar os plans e programas de saúde mental da Comunidade Autónoma e coordinar os dispositivos dedicados á saúde mental.

TERCEIRO.- Que no ámbito da nosa comunidade, a atención dende un modelo comunitario e de recuperación das persoas con trastorno mental severo é unha prioridade, polo que é preciso desenvolver programas que acaden este obxectivo dende as fases iniciais das enfermidades.

CUARTO.- Que a asociación DOA Saúde Mental, é unha entidade sen ánimo de lucro, que leva a cabo actividades de axuda e apoio aos enfermos mentais e ás súas familias, tendo como un dos seus fins principais promover intervencións en saúde mental non cubertas polas institucións existentes, buscando unha mellor relación entre o enfermo mental, o medio familiar e a sociedade.

A asociación DOA Saúde Mental cumpre os requisitos para obter a condición de beneficiario da subvención segundo o recollido no artigo 10 da Lei 9/2007, do 13 de xuño, de subvencións de Galicia.

QUINTO.- É por isto que ámbalas dúas partes consideran de particular importancia o establecemento de accións conxuntas promovendo:

- A atención ao trastorno mental severo en todas as fases da enfermidade.
- A intervención nas fases iniciais a fin de diminuír o impacto que o padecemento destas patoloxías produce no desenvolvemento da persoa e na súa contorna social e familiar.
- Dar apoio aos pacientes e ás súas familias, e colaborar cos profesionais do ámbito sanitario, social e educativo que atenden aos afectados por estes trastornos mentais.

Por todo isto, formalizan este convenio de acordo coas seguintes

CLÁUSULAS:

PRIMEIRA.- O presente convenio ten por obxecto a realización do "Programa para a intervención precoz en psicose". No desenvolvemento deste programa, a asociación atenderá a aqueles pacientes que cumpran criterios para ser beneficiarios do programa, conforme o indicado no Anexo 1, respectando os principios de universalidade, anonimato, voluntariedade e gratuidade.

No desenvolvemento da súa actividade colaborará cos servizos de saúde na atención integral e coordinada destes pacientes .

As persoas beneficiarias do programa contarán cun programa de intervención actualizado e individualizado que atenda as súas circunstancias de saúde e sociais, introducindo aqueles aspectos necesarios para dar respostas aos colectivos de maior vulnerabilidade e atendendo a perspectiva de xénero no desempeño das súas actividades.

O programa de intervención precoz en psicose terá como obxectivo xeral planificar, aplicar e avaliar as estratexias neuropsicolóxicas de tratamento e rehabilitación, dirixidas a compensar os déficits cognitivos, alteracións no comportamento ou deterioro social do paciente.

Os obxectivos específicos do programa de intervención temperá en psicose son os seguintes :

- O establecemento de medidas de liña de base para o seguimento de alteracións que poidan ir aparecendo de xeito progresivo e adaptar a esta evolución os procedementos de rehabilitación.
- Potenciar a aprendizaxe do paciente mellorando as súas capacidades a través da formación en metacognición, estratexias de aprendizaxe, intelixencias múltiples, creatividade e psicomotricidade.
- Axudar ao paciente no proceso de toma de conciencia da enfermidade.

O programa incluírá necesariamente intervencións rehabilitadoras nas áreas de atención, función executiva, aprendizaxe e cognición social a través de avaliacións e técnicas acordes a evidencia científica.

A realización deste programa levarase a cabo por parte dos profesionais que integran o equipo asistencial nos diferentes dispositivos da asociación.

SEGUNDA.- A prestación dos devanditos servizos levarase a cabo por parte dos profesionais que integran o equipo asistencial nos diferentes dispositivos da asociación. Excepcionalmente, cando polas especiais características dalgunha das actividades a desenvolver ou das necesidades das persoas beneficiarias destas sexa necesario, a entidade beneficiaria poderá subcontratar ata un máximo do 10% da contía total concedida.

Serán de aplicación o artigo 27 da Lei 9/2007, de 13 de xuño, de Subvencións de Galicia, e o artigo 43 do Decreto 11/2009, de 8 de xaneiro: enténdese que unha entidade subcontrata cando concerta con terceiros a execución total ou parcial da actividade que constitúe o obxecto da subvención. Queda fóra deste concepto a contratación daqueles gastos nos que teña que incurrir a entidade para a realización por si mesma da actividade subvencionada. Así mesmo, en ningún caso concertará a execución parcial ou total das actividades subvencionadas con persoas ou entidades que recibiran outras subvencións para a realización da actividade obxecto da contratación.

TERCEIRA.- A asociación comprométese a cumprir coas obrigas que o artigo 11 da Lei 9/2007, do 13 de xuño, esixe aos beneficiarios, e asume ademais os seguintes compromisos:

- 1.- Cumprir as directrices e instrucións de coordinación establecidas polo Servizo Galego de Saúde a través da Subdirección Xeral de Planificación e Programación Asistencial.
- 2.- Remitir á Subdirección Xeral de Planificación e Programación Asistencial a actividade dos beneficiarios do programa, con periodicidade mensual, facendo constar:
 - a) Número de beneficiarios directos (pacientes) desagregado por idade e sexo e diagnóstico.
 - b) Número de beneficiarios indirectos (familias, educadores, etc) .
 - c) Número e tipo de intervencións realizadas.
 - d) Tempo de permanencia no programa.
 - e) Número de baixas do programa e motivo.

CUARTA.- No desenvolvemento da súa actividade a entidade e os seus profesionais axustaranse á normativa que resulte de aplicación en materia de protección de datos, especialmente no que se refire aos datos persoais en xeral e aos datos persoais en materia de saúde, en particular.

QUINTA.- O Servizo Galego de Saúde comprométese a achegar ata un máximo de trinta mil euros (30.000,00 €) para o financiamento de actividades realizadas ao abeiro deste programa,

con cargo á aplicación orzamentaria **5001.413A.481.12** e código de proxecto 201400028, consignada nominativamente nos orzamentos xerais da Comunidade Autónoma de Galicia para o ano 2019.

SEXTA.- A subvención obxecto deste convenio é compatible con outras subvencións, axudas, ingresos ou recursos para a mesma finalidade, procedentes de calquera Administración ou entes públicos ou privados, nacionais, da Unión Europea ou de organismos internacionais, sen prexuízo do disposto no artigo 17.3 da Lei 9/2007, do 13 de xuño.

O importe da subvención, illadamente ou en concorrencia con outras subvencións, axudas ou ingresos non poderá superar o custo da actividade subvencionada.

SÉTIMA.- A contía indicada na cláusula quinta farase efectiva do seguinte xeito:

Logo da sinatura do convenio, poderase efectuar un pago anticipado, segundo o artigo 63 do Decreto 11/2009, do 8 de xaneiro, polo que se aproba o Regulamento da Lei 9/2007, do 13 de xuño, de subvencións de Galicia, achegando por parte da asociación:

- a) Solicitude do pago anticipado.
- b) Memoria descritiva das actividades a realizar durante a vixencia do convenio.
- c) Declaración responsable sobre a titularidade da conta bancaria onde se vai realizar o ingreso.
- d) Declaración responsable de atoparse ao día no cumprimento das obrigas tributarias e fronte á Seguridade Social, e de non ter ningunha outra débeda coa administración pública da comunidade autónoma de Galicia, conforme ao modelo indicado no Anexo 4.

Poderanse realizar pagamentos parciais até un máximo do 80% do importe total (incluído o anticipo) deste convenio, a conta da liquidación definitiva e segundo se desenvolvan as actividades do programa, achegando orixinais ou copias compulsadas dos xustificantes de pagamento ocasionados polo desenvolvemento das actividades do programa, xunto cunha relación ordenada e detallada dos mesmos. Esta relación ordenada de gastos se documentará segundo o modelo indicado no Anexo 2.

A data límite e improrrogable para presentar a solicitude e documentación dos pagamentos parciais será o 15 de outubro de 2019.

A porcentaxe restante da subvención non se fará efectiva até que estean integramente xustificadas a totalidade dos pagamentos correspondentes á actividade subvencionada incluíndo, no seu caso, o importe do anticipo a conta.

De acordo co artigo 65.4 do Decreto 11/2009, do 8 de xaneiro, os pagos anticipados e os pagos a conta quedan exonerados da constitución de garantía.

OITAVA.- A xustificación final realizarase logo do cumprimento da finalidade e demais condicións deste convenio nos termos recollidos nos artigos 28, 29 e 30 da Lei 9/2007, do 13 de xuño, así como no artigo 41 e 42 do Decreto 11/2009, do 8 de xaneiro, achegando a seguinte documentación:

- a) Orixinais ou copias compulsadas dos xustificantes de gastos ocasionados e pagos realizados no desenvolvemento das actividades do programa, xunto cunha relación ordenada e detallada destes.
- b) Declaración das actividades realizadas e financiadas con este convenio indicando o custo repercutido para a entidade.
- c) Certificación da asociación onde se faga constar que os gastos que se xustifican se ocasionaron no desenvolvemento de actividades obxecto deste convenio e que foron debidamente aboados.
- d) Declaración complementaria do conxunto das axudas solicitadas, tanto as aprobadas ou concedidas como as pendentes de resolución, para o mesmo proxecto, das distintas administracións públicas competentes ou das súas entidades vinculadas ou dependentes.

1. A xustificación dos gastos deberá presentarse con anterioridade ao 1 de decembro de 2019. De conformidade co artigo 29.2 da Lei 9/2007, do 13 xuño, aos efectos deste convenio, considéranse gastos realizados os que foran efectivamente pagados con anterioridade á finalización do período de xustificación e aqueles outros gastos realizados e que por imperativo legal non se puideran ter pagado nese prazo.

2. Cando o importe dalgún xustificante non se impute totalmente á finalidade deste convenio indicárase a contía exacta daquel que resulte afectada polo mesmo.

3. As facturas deberán estar debidamente cubertas de acordo coa normativa vixente. Con carácter excepcional e en supostos debidamente xustificados e motivados, poderán aceptarse a xustificación de pago mediante recibí do proveedor para gastos de escasa contía para pagos inferiores a mil euros (1.000,00 €).

4. A documentación xustificativa dos gastos ocasionados e pagos realizados dirixirase á Subdirección Xeral de Planificación e Programación Asistencial, que emitirá informe favorable de ser conforme.

5. No caso de apreciarse defectos emendables na xustificación presentada polo beneficiario, o órgano administrativo competente poñerá no seu coñecemento e concederalle un prazo de dez días naturais para a súa corrección.

6. Serán causas de reintegro do importe total ou parcial do convenio as previstas no artigo 33 da Lei 9/2007, do 13 de xuño, así como no artigo 74 e seguintes do Decreto 11/2009, do 8 de xaneiro.

7. Cando as actividades teñan sido financiadas ademais de con esta subvención con fondos propios ou outras subvencións ou recursos deberá acreditarse na xustificación o importe, a procedencia e a aplicación de tales fondos a actividade subvencionada.

NOVENA.- Consideraranse gastos subvencionables os que cumpren os requisitos fixados polo artigo 29 da Lei 9/2007, do 13 de xuño, e realizados no desenvolvemento do obxecto do convenio. Para estes efectos, serán **os realizados e efectivamente pagados dende o 1 de decembro de 2018 ata o 30 de novembro de 2019** e que contén coas seguintes características:

a) Que de xeito indubidable respondan á natureza da actividade subvencionada, ao abeiro deste convenio, e resulten estritamente necesarios.

b) Que teñan a seguinte natureza:

b.1) Gastos do persoal laboral da entidade: custe total, que abranguerá as retribucións e os custos de Seguridade Social.

b.2) Axudas de custo e gastos de viaxe, en función das contías fixadas para o grupo 2 no Decreto 144/2001, de 7 de xuño, de indemnizacións por razóns do servizo ao persoal con destino na Comunidade Autónoma de Galicia, sempre que non superen no seu conxunto o 3% do importe total subvencionable do convenio excepto que, en atención á súa natureza, sexa autorizada outra porcentaxe.

b.3) Outros gastos correntes directamente relacionados coa actividade desenvolvida ao abeiro deste convenio.

Tamén son subvencionables os gastos financeiros, de asesoría xurídica ou financeira, notariais e rexistrals e os gastos periciais para a realización do proxecto subvencionado e os de administración específicos directamente relacionados coa actividade subvencionada, se son indispensables para a súa axeitada preparación ou execución, así como os gastos de garantía bancaria. Non obstante, en ningún caso serán subvencionables os xuros debedores das contas bancarias.

Non serán subvencionables os gastos orixinados polas actividades realizadas na condición de membros das Xuntas Directivas ou Consellos de Dirección das entidades.

As dúbidas ou controversias en relación coa subvencionalidade dos gastos serán resoltas pola Dirección Xeral de Asistencia Sanitaria do Servizo Galego de Saúde, por propia iniciativa ou a petición de calquera das entidades solicitantes.

DECIMA.- Con data límite do 15 de xaneiro de 2020, a asociación deberá achegar á Subdirección Xeral de Planificación e Programación Asistencial unha memoria final sobre a totalidade das actividades realizadas obxecto deste convenio desenvolvidas ao longo do ano 2019, segundo o modelo que se xunta como **Anexo 3** e empregando a sede electrónica, tal e como se indica na cláusula décimo primeira.

DÉCIMO PRIMEIRA.- Para a remisión da documentación relativa a este convenio utilizarase a sede electrónica da Xunta de Galicia mediante a cumprimentación do procedemento electrónico

denominado “PRESENTACIÓN ELECTRÓNICA DE SOLICITUDES, ESCRITOS E COMUNICACIÓN QUE NON CONTÉN CUN SISTEMA ELECTRÓNICO ESPECÍFICO NIN CUN MODELO ELECTRÓNICO NORMALIZADO (PR004A)”, dirixíndoas a atención da Dirección xeral de Asistencia Sanitaria.

DÉCIMO SEGUNDA.- Constituirase unha comisión mixta paritaria para o seguimento e control do convenio, co obxecto de resolver as dúbidas que se presenten na súa interpretación e execución. Esta comisión estará composta por:

- Dous representantes do Servizo Galego de Saúde.
- Dous representantes da asociación.

No suposto de desacordo entre as partes que compoñen esta comisión, o presidente do Servizo Galego de Saúde será o competente para resolver as distintas cuestións que foran obxecto de diverxencia. A devandita resolución poderá ser impugnada ante a xurisdición contencioso-administrativa.

DÉCIMO TERCEIRA.- Este convenio ten natureza administrativa e rexerase polo disposto nas súas cláusulas e, no seu defecto, pola Lei 9/2007, do 13 de xuño, polo Decreto 11/2009, do 8 de xaneiro, e pola Lei 40/2015, do 1 de outubro.

DÉCIMO CUARTA.- A subscripción deste convenio non comporta relación contractual ningunha do Servizo Galego de Saúde cos profesionais dependentes da asociación DOA Saúde Mental que realicen as actividades obxecto do mesmo, de tal xeito que por este concepto non se lle poderán esixir responsabilidades, nin directas nin subsidiarias, polos actos acaecidos no seu desenvolvemento.

DÉCIMO QUINTA.- Respecto do réxime de infraccións e sancións haberá que aterse ao disposto no Título IV da Lei 9/2007, do 13 de xuño. De conformidade co artigo 17 da Lei 1/2016, do 18 de xaneiro e co previsto no Decreto 132/2006, do 27 de xullo, polo que se regulan os rexistros públicos creados nos artigos 44 e 45 da Lei 7/2005, do 29 de decembro, de orzamentos xerais da Comunidade Autónoma de Galicia para o ano 2006, a Consellería de Sanidade dará publicidade deste convenio no Portal de Transparencia da Xunta de Galicia e no rexistro público de axudas, subvencións e convenios e incluírá no rexistro público de sancións aquelas que se puideran impoñer como consecuencia do seu desenvolvemento.

DÉCIMO SEXTA.- A asociación prestarlle colaboración e facilitarlle tanta documentación sexa requirida, no exercicio das funcións de control, ao Servizo Galego de Saúde, á Intervención Xeral da Comunidade Autónoma, Tribunal de Contas, Consello de Contas, así como aos órganos que, de acordo coa normativa comunitaria, teñan atribuídas funcións de control financeiro.

DÉCIMO SÉTIMA.- O prazo de vixencia deste convenio será dende o día seguinte ao da súa sinatura até o 31 de decembro de 2019.

DÉCIMO OITAVA.- Serán causas de resolución deste convenio:

- a) O incumprimento total ou parcial das súas cláusulas.
- b) O mutuo acordo entre as partes asinantes do mesmo.

Toda alteración das condicións tidas en conta para este convenio e, en todo caso, a obtención concorrente de subvencións ou axudas outorgadas por outras administracións ou entes públicos ou privados, nacionais ou internacionais no suposto que a contía supere o custo da actividade subvencionada, poderá dar lugar á modificación do convenio.

E en proba de conformidade, asínase polas partes o presente convenio en duplicado exemplar, no lugar e data indicados no encabezamento.

POLO SERVIZO GALEGO DE SAÚDE

POLA ASOCIACIÓN DOA SAÚDE MENTAL

Jesús Vázquez Almuiña

Leopoldo Robla Álvarez

ANEXO 1

Este programa de atención temperá vai dirixido a persoas que presenten características de alto risco de desenvolvemento de psicose (coñecidos na literatura como “ultra high- risk” ou estados mentais de alto risco) e persoas que tras o debut dun trastorno psicótico se atopan no período crítico dos 5 anos posteriores ao seu inicio.

1. Entendese por persoas con UHR ou EMAR aquelas que presentan os seguintes supostos:

1. Síntomas positivos subumbral que non son o suficientemente graves ou persistentes para cumprir os criterios de primeiro episodio, ou trastorno psicótico breve .
2. Historia de trastorno psicótico en familiar de primeiro grao ademais dunha redución funcional significativa no ano anterior.
3. Presenza de síntomas psicóticos atenuados, pero cunha frecuencia repetida ao longo da semana e durante varias semanas, ou algún síntoma psicótico breve, limitado ou intermitente durante menos dunha semana e resolto dunha maneira espontánea.

2. Persoas que tiveron un primeiro episodio de psicose e atópanse dentro do primeiro cinco anos de evolución da enfermidade.

O conxunto de diagnósticos prioritariamente asociados aos trastornos psicóticos establecidos pode comprender os seguintes :

1. Esquizofrenia
2. Trastorno esquizotípico
3. Trastornos de ideas delirantes
4. Trastornos psicóticos agudos
5. Trastornos esquizoafectivos
6. Trastorno esquizofreniforme
7. Trastornos psicóticos non orgánicos

ANEXO 2

MODELO RELACIÓN ORDENADA DE GASTOS

NÓMINAS

Nº Orde	Nome e apelidos	Categoría profesional	Mes-año	Importe líquido	% Imputado	Importe imputado	Data de pago
						0.00 €	

IRPF

Nº Orde	Nome e apelidos	Categoría profesional	Mes-año	IRPF	% Imputado	Importe imputado	Data de pago
						0.00 €	

SEGURIDADE SOCIAL

Nº Orde	Nome e apelidos	Categoría profesional	Mes	Desconto SSoc trab	SSoc empresa	Total	% Imputado	Importe imputado	Data de pago
								0.00 €	

3:MEMORIA FINAL

1. Características básicas do dispositivo: data de inicio do funcionamento do centro, organigrama no que se determine a responsabilidade dos servizos prestados, horario de funcionamento do centro, localización, número de despachos.
2. Cadro de persoal: especificar cada unha das persoas que colaboren coa asociación, indicando o nome, horas semanais traballadas (diferenciando entre horas asistenciais e de xestión, formación e investigación), posto desempregado, titulación académica, salario mensual sen complementos, trienios, retribucións complementarias e tipo de contrato.
3. Actividades realizadas:
 - Número de pacientes beneficiarios directos distintos atendidos no ano natural, diferenciado por sexo e idade.
 - Número de beneficiarios indirectos, desglosado por sexo.
 - Número e tipo de intervencións realizadas.
 - Medidas de coordinación establecidas con outras entidades do ámbito da saúde mental na área sanitaria de referencia (dispositivos asistenciais ou de intervención social, dispositivos de atención a saúde mental e de atención primaria, entidades adicadas ao desenvolvemento de programas de intervención en psicose e outras coas que se traballe en rede para a atención integral dos pacientes obxecto do presente convenio) detallando a frecuencia aproximada.
 - Actividades de investigación publicadas ou presentadas en congresos científicos.
 - Relación detallada de xornadas, cursos, congresos científicos e outras actividades formativas cuza temática teña relación co contido do presente convenio e realizadas durante a súa vixencia , especificando os profesionais implicados nas mesmas, e o seu grado de participación.
4. Balance de ingresos e gastos:
 - 4.1. Ingresos:
 - Informe que inclúa a contía de todas as axudas económicas recibidas e a súa orixe e data de percepción (subvencións, doazóns e legados).
 - Débedas con entidades de crédito.
 - Ingresos e beneficios, se é o caso, de exercicios anteriores.
 - Ingresos por cotas de socios e outros ingresos: ingresos financeiros, por actividades de recadación.
 - 4.2. Gastos:
 - Gastos de persoal: retribucións básicas e complementarias, cotas á seguridade social, gastos de formación ao persoal, gastos de viaxes.
 - Gastos de mantemento: arrendamento/alugueiro, reparación e conservación, contratación de servizos, transportes, primas de seguros, subministracións, material de oficina, limpeza, traballos realizados por outras empresas.
 - Tributos.
 - Gastos e perdas de exercicios anteriores.
 - Especificar outros gastos: financeiros, amortización de débedas.
5. Reclamacións presentadas polas persoas usuarias: xuntar copia de tódalas reclamacións achegadas polas persoas usuarias no libro de reclamacións e as respostas ás ditas reclamacións.

ANEXO 4 : DECLARACION RESPONSABLE

DATOS DA ENTIDADE										
RAZÓN SOCIAL								NIF		
TIPO	NOME DA VÍA						NÚMERO	BLOQUE	PISO	PORTA
CÓDIGO POSTAL		PROVINCIA		MUNICIPIO			LOCALIDADE			
TELÉFONO		FAX		CORREO ELECTRÓNICO			PÁXINA WEB DA ENTIDADE			
DATOS DO REXISTRO ADMINISTRATIVO NO QUE ESTÁ INSCRITA (identificación do Rexistro e número de inscrición).										
E, NA SÚA REPRESENTACIÓN (deberá acreditarse a representación fidedigna por calquera medio válido en dereito)										
NOME/RAZON SOCIAL				PRIMEIRO APELIDO			SEGUNDO APELIDO		NIF	
EN CALIDADE DE										
DATOS BANCARIOS										
Declaro baixo a miña responsabilidade que son certos os datos consignados relativos á conta bancaria indicada, onde se realizará o abono da subvención.										
TITULAR DA CONTA							NÚMERO DA CONTA BANCARIA (24 DÍXITOS)			
IBAN										
A PERSOA REPRESENTANTE DECLARA BAIXO A SÚA RESPONSABILIDADE:										
1. Que en relación con outras axudas concedidas ou solicitadas:										
☐ Non solicitou nin se lle concedeu ningunha outra axuda para este mesmo proxecto ou conceptos para os que se solicita esta subvención.										
☐ Si solicitou e/ou se lle concederon outras axudas para este mesmo proxecto ou conceptos para os que se solicita esta subvención, que son as que a continuación se relacionan:										
ORGANISMOS				ANO		IMPORTE (€)		DISPOSICIÓN REGULADORA		
Así mesmo, comprométese a comunicar inmediatamente cantas axudas solicite e/ou obteña doutras administracións públicas ou doutros entes públicos ou privados, nacionais ou internacionais, a partir da data desta declaración.										
2. Que a entidade solicitante, así como, se é o caso, as entidades integrantes que se propoñen como executantes: a) Non están incursas en ningún dos supostos sinalados como prohibición para obter a condición de beneficiario/a no artigo 13 da Lei 38/2003, do 17 de novembro, xeral de subvencións e no artigo 10 da Lei 9/2007, do 13 de xuño, de subvencións de Galicia. b) Están ao día no pagamento de obrigas por reintegro de subvencións, de acordo co previsto no artigo 10.2.g) da Lei 9/2007, do 13 de xuño, de subvencións de Galicia e o artigo 9 do Decreto 11/2009, do 8 de xaneiro, polo que se aproba o seu regulamento. c) Están ao día no pagamento das obrigas tributarias estatais e autonómicas e fronte á Seguridade Social e non teñen pendente de pagamento ningunha outra débeda coa Administración pública da Comunidade Autónoma. Así mesmo, declara que dispón da documentación acreditativa e que se compromete a manter o cumprimento destes requisitos durante o tempo de vixencia do convenio.										
3. Que de conformidade co establecido no artigo 69 de la Lei 39/2015, do 1 de outubro, se cumpre cos requisitos establecidos na normativa vixente, que se dispón da documentación que así o acredita, que se porá a disposición da Administración cando sexa requirida, e que se compromete a manter o cumprimento das anteriores obrigacións durante o período de tempo inherente ao devandito recoñecemento ou exercicio.										
4. Que todo o persoal contratado que vai participar no proxecto non ten sido condenado por sentenza firme por ningún delito contra a liberdade e indemnidade sexual, que inclúe a agresión e o abuso sexual, acoso sexual, exhibicionismo e provocación sexual, prostitución e explotación sexual e corrupción de menores, así como por trata de seres humanos, en aplicación do artigo 13.5 da Lei orgánica 1/1996, do 15 de xaneiro, de protección xurídica do menor, de modificación parcial do Código Civil, así como que as persoas voluntarias que van participar no proxecto e que están relacionadas con menores de idade, non teñen antecedentes penais non cancelados por delitos de violencia doméstica ou de xénero, por atentar contra a vida, a integridade física, a liberdade, a integridade moral ou a liberdade e indemnidade sexual do outro cónxuxe ou dos fillos/as, ou por delitos de tráfico ilegal ou inmigración clandestina de persoas, ou por delitos de terrorismo en programas cuxas persoas destinatarias teñan sido ou poidan ser vítimas destes delitos, en aplicación do previsto no artigo 8.4 da Lei 45/2015, do 14 de outubro, de voluntariado.										
SINATURA DA PERSOA REPRESENTANTE										
Lugar e data										
, de de										